

<><><><><><>

Headlines

1. प्रधानमंत्री नरेन्द्र मोदी होर अज्ज ओडिशा च प्रवासी भारतीय दिवस सम्मेलन दा रस्मी तौरा पर उद्घाटन करगन।
2. राष्ट्रपति द्रौपदी मुर्मू होर अज्जै थमां मेघायल ते ओडिशा दे दौरे पर जा'रदियां न।
3. जम्मू कश्मीर विधानसभा दे नमें चुनोए दे सदस्ये लेई अज्जै थमां त्रऊं दिनें दे विशेष सिखलाई कार्यक्रम शुरू होआ'रदा ऐ, जिस दरान उनेंगी सदन दे कम्म करने दे तौर तरीके, नियमें ते प्रक्रियाएं बारे वाकफ कराया जाग।
4. जलशक्ति विभाग नै जम्मू दिएं प्रमुख नैहरें दी सलाना मरम्मत, रख-रखाव ते गार कड्डने दे कम्म करी नेहरा बद करने दा निर्देश जारी कीता ऐ।
5. मौसम विभाग नै 16 जनवरी तगर जम्मू कश्मीर दे मौसम च कुसै बड्डे बदलाव दी संभावना नेई दस्सी ऐ।

<><><><><><>

PM

प्रधानमंत्री नरेन्द्र मोदी होरें भुवनेश्वर दे जनता मैदान च अज्ज 18में प्रवासी दिवस सम्मेलन दा औपचारिक उद्घाटन करगन। मोदी होर कल संजा भुवनेश्वर पुज्जे हे। उंदा सुआगत ओडिया दे राज्यपाल हरि बाबू कम्ममपति, मुखमन्त्री मोहन चरण मांझी ते केन्द्रीय मंत्री धमेन्द्र प्रधान होरें कीता। 18में प्रवासी भारतीय दिवस सम्मेलन दा आयोजन ओडिशा सरकार दे सैहयोग कन्नै 8 थमां 10 जनवरी तगर भुवनेश्वर च कीता जा'रदा ऐ। एह सम्मेलन भारतीय मूल दे लोकें गी इक दुए कन्नै जुड़ने दा इक मंच प्रदान करदा ऐ। 50 थमां मते मुख्यें दे प्रतिनिधिएं इस सम्मेलन च हिस्सा लैने लेई पंजीकरण करोआया ऐ। इस सम्मेलन दा विशेसार ऐ—विकसित भारत च प्रवासी भारतीयेंद। योगदान, राष्ट्रपति द्रौपदी मुर्मू होर इस सम्मेलन च हिस्सा लैने लेई अज्ज संजा भुवनेश्वर पुज्जगन। राष्ट्रपति होर बक्ख-बक्ख क्षेत्रें च प्रवासी भारतीयें गी उंदी उपलब्धिएं आस्तै सम्मान भेंट करगन। आकाशवाणी दिल्ली प्रवासी भारतीय दिवस दे उद्घाटन कार्यक्रम पर ऑफ ट्यूब कमेंटरी प्रसारत करोग। श्रोता इसी 9 बज्जियै 55 मिंटे पर दन्द्रप्रस्त, एम.एफ गोलड ते आकाशवाणी लाईव न्यूज़ 24

<><><><><><>

President Visit

राष्ट्रपति द्रौपदी मुर्मू होर अज्ज थमां मेघालय ते ओडिशा दे दौरे उप्पर होंगन। राष्ट्रपति होर मेघालय दे अभियम च आईसीएआर अनुसंधान परिसर दी स्वर्ण-जयंति समारोह च शामिल होंगन। कल राष्ट्रपति होर ओडिशा दे भुवनेश्वर च 18में प्रवासी भारतीय दिवस सम्मेलन दे समापन सत्र च बी शामिल होंगन ते प्रवासी भारतीय सम्मेलन पुरस्कार प्रदान करगन।

<><><><><><>

Orientatuon Camp

जम्मू कश्मीर विधानसभा दे विधायकें लेई त्रै रोजा सिखलाई ते ओरिअनटेशन प्रोग्राम अज्जै थमां विधानसभा परिसर च शुरू होआ8रदा ऐ। बाकाशवाणी जम्मू संवाददाता नै जानकारी दित्ती ऐ जे इस कार्यक्रम दा सरिस्ता लोकसभा सचिवालय दे PRIDE संस्थान दे सैहयोग कन्नै जम्मू कश्मीर विधानसभा सचिवालय आस्सेआ कीता जा'रदा ऐ। नमें चुनोए दे विधायकें गी त्रऊं दिनें दे इस कार्यक्रम दरान सदन दे कम्म करने दा तरीकें ते नियमें कायदे'दे कम्म कन्ने वाकफ कराया जाग। इस दरान केइ वैध्वनिक माहिरें कन्नै गल्लबात दे सत्र बी लग्गगन, जेह्ड़े उनेंगी विधानसभा दे नियमें ते कम्म करने दे तौर तरीके ते बरीकिएं दे बारे च दस्सन। जिंदे च अंदाजे अनुमानें सरबंधी कमेटी दे चेयरपर्सन डॉ. संजय जेसवाल, लोकसभा दे मिंबर रेही चुके दे डॉ. सत्यपाल सिंह ते एन.के.प्रेमचदुंण बी शामिल होंगन। उद्घाटन सत्र च जम्मू कश्मीर विधानसभा दे स्पीकर, मुख्यमंत्री, उपमुख्यमंत्री ते केई वरिष्ठ अफसर बी मजूद रौंहगन।

<><><><><><>

I&B Minister Song

सूचना ते प्रसारण मंत्री अश्विनी वैष्णव होरें नमीं दिल्ली च महाकुंभ गी समर्पित आकाशवाणी ते दूरदर्शन दे द'ऊं बशेश गीतें दा लोकार्पण कीता। आकाशवाणी दी विशेष संगीत रचना ते गीतें आहली पेशकारी, महाकुंभ दे आध्यात्मिक, सांस्कृतिक ते धार्मिक महत्व दा परिचय करेआंदी ऐ। इस गीत गी रतन प्रसन्ना होरें गाया ऐ ते संगीत संतोष नाहर ते रतन प्रसन्ना हुंदा ऐ। आकाशवाणी दी मधुर प्रस्तुति च महाकुंभ दी शाश्वत परंपराएं ते पवित्तरा दे महत्व गी व्यक्त कीता गेआ ऐ। एह्दे कन्नै श्रोताएं च भक्ति ते गर्व दी भावना पैदा हुंदी ऐ। दूरदर्शन आसेआ तैयार थीम गीत "महाकुंभ है" गी पद्मश्री कैलाश खेर होरें गाया ऐ। इस मौके उप्पर प्रसार भारती दे अध्यक्ष नवनीत कुमार सहगल, मुख्य कार्रकारी अधिकारी गौरव द्विवेदी, दूरदर्शन दी महानिदेशक कंचन प्रसाद ते आकाशवाणी दी महानिदेशक डॉ. प्रज्ञा पालीवाल गौड़ बी मजूद हिआं। महाकुंभ दा आयोजन 13 जनवरी थमां 26 फरवरी तगर प्रयागराज च होआ करदा ऐ।

<><><><><><>

Jammu Srinagar Vande Bharat Train

रेल मंत्रालय नै आखेआ ऐ जे कटड़ा ते श्रीनगर बश्कार जम्मू श्रीनगर वंदे भारत एक्सप्रेस तोले गै चलना शुरू होई जाग। इस रेल गड्डी च कुल 8 डिब्बे होंगन ते एह अपना सफर 3 घंटे 10 मिनट च पूरा करी लैग। मंत्रालय नै दस्सेआ ऐ जे नमीं बनाई गेदी जम्मू रेलवे डिवीजन हेठ पौंदे बनिहाल—कटड़ा सेक्शन दे 111 किलोमीटर हिस्से दी खीरली सुरक्षा जांच दा कम्म बी शुरू होई चुके दा ऐ ते एहदे पर बी रेलगडिडएं दा चलना मगरा इससे बरें शुरू होई जाग। मंत्रालय नै जानकारी दित्ती ऐ जे जम्मू रेलवे स्टेशन गी 8 घंटे प्लैटफार्मामें ते आधुनिक सुविधाएं कन्नै लैस करियै एहदा नमें सिरिया विस्तार कीता जा'रदा ऐ। साढ़े संवाददाता नै जानकारी दित्ती ऐ जे जम्मू श्रीनगर वंदे भारत रेलगड्डी गी एंटी फ्रीजिंग तकनीक कन्नै तैआर कीता गेदा ऐ जेहदे नै बड़ी मती ठंडू च बी एहदे च कोई परेशानी नेई औंदी। उनें दस्सेआ जे यात्री रेलगड्डी ते माल गड्डी दे अग्रे—अग्रे बर्फ हटाने आली ट्रेन चलोग जेहदे नै 12 महीने दिनें रातीं कुसै लै बी रेलगड्डी दा चली सकना जकीनी बनोग ते बर्फबारी दे कारण एहदे च कोई रुकावट पेश नेई औग।

<><><><><><>

Canals

जलशक्ति मैहकमे आस्सेआ नैहरें गी हुन बंद कीता जा'रदा ऐ तां जे इंदे रक्ख—रखाव ते इंदे चा गार कड्डने आला कम्म कीता जाई सकै। आकाशवाणी जम्मू संवाददाता दी रिपोर्ट मूजब तवि लिफ्ट इरीगेशन कैनाल ते रावि नैहर गी 10 जनवरी थमां बंद कीता जा'रदा ऐ, तां जे सलाना होने आले सफाई, मरम्मतें ते रक्ख—रखाव दे इस कम्म गी कीता जाई सकै। नैहरें गी खोलने लेई तरीकें दी घोषणा मगरा कीती जाग।

<><><><><><>

दस्तकारी मैहकमा रामबन इलाके च रोजगार पैदा करने लेई लगातार कम्म करारदा ऐ। लोकें गी बक्ख—बक्ख सरकारी स्कीमें ते उंदे मिमां होने आले लाहू बारे जानकार बनाया जा'रदा ऐ। कारखानादार ते क्रेडिट कार्ड स्कीम बी इंदे चा इक ऐ। इनें स्कीमें दा मकसद युवाएं दा हुनर विकास करियै उनेंगी सशक्त बनाना ऐ। हाल च मैहकमे आस्सेआ रामबन जिले दी बक्ख—बक्ख थाहरें जियां संगलदान, अनिहाल बगैरा च जागरूकता कैप लाए गे। इंदा सरिस्ता खाद्यी ते ग्राम उद्योग आयोग कन्नै रलियै दस्तकारी मैहकमे नै कीता। एमपीडीए स्कीम तैहत 25 फीसद दी सहायता कारीगिरें, बुनकरें ते धागा तैआर करने आलें गी दित्ती जंदी ऐ। होर जानकारी दिंदे होई दस्तकारी मैहकमा रामबन दे असिस्टेंट डायरेक्टरतरुण सुधन होरें आखेआ

<><><><><><>

Self Defence Training

समाज कल्याण मैहकमे नै युवा सेवाएं ते खेड्डें सरबन्धी मैहकमे दे सैहयोग कन्नै बड़े मते महत्त्वै आली फ्लैगशिप स्कीम “बेटी बचाओ, बेटी पढ़ाओ” अभियान तैहत रियासी दे इंडोर स्टेडियम च कुड़िएं लेई 5 रोजा

आत्म रक्षा सिखलाई कार्यक्रम दा सरिस्ता कीता। आकाशवाणी जम्मू संवाददाता दी रिपोर्ट मूजब बक्ख-बक्ख स्कूलें च पढ़ने आलियां 50 कुड़ियां एह्दे च हिस्सा लै'रदियां न। इस सिखलाई प्रोग्राम दा मकसद आत्म रक्षा आले गुर सखाना ऐ। जिला समाज कल्याण अफसर होरें सारे प्रतिभागिएं कन्नै गल्ल कीती ते इस सत्र च सब्बने गी शामिल होने लेई गलाया।

<><><><><><>

Samba-Nikshay Poshan

सांबा जिला प्रशासन आस्सेआ कल टीबी दे 50 मरीजें च निक्शे पोशण किट्स बंडे गे। एह कारवाई टी.बी दे अमूलन सरबंधी 100 दिनें दे अभियानद । हिस्सा ऐ। इस जतन च माली सहायता भारतीय रैड क्रॉस सोसायटी आस्सेआ दित्ती जा'रदी ऐ। एह्दा सरिस्ता सांबा दे डिप्टी कमीशनर राजेश शर्मा ते मुख्ख सेहत अधिकारी सांबा हुंदी दिक्ख-रिक्ख च होआ। टी.बी. दे खात्मे लेई 100 दिन दा अभियान पिछले ब'रे दिसम्बर च शुरू कीता गेआ हा। भारत सरकार दे इस जतन दा मकसद मुल्ख गी 2025 च टी.बी. मुक्त बनाना ऐ ते ओह बीवैश्विक लक्ष्य 2030 थमां पैहले।

<><><><><><>

Weather

मौसम विभाग लै ओंदी 16 जनवरी तगर जम्मू कश्मीर च मौसम आम तौरा पर खुश्क रौहने दीमेद दस्सी ऐ। आकाशवाणी दे जम्मू संवाददाता नै जानकारी दित्ती ऐ जे 8 कोला 10 जनवरी तगर मौसम भलेया खुश्क रौहग, 10 जनवरी रातीं ते 11 जनवरी गी मौसम बदलोखड़ा बनोग ते जम्मू दे झिगड़े इलाके च हल्की बरखा बरी सकदी ऐ जिसलै जे कश्मीर घाटी ते जम्मू प्रांतै दे उप्परले पहाड़ें पर टांची-टांची थाहीं हल्की जनेई बर्फबारी बी होई सकदी ऐ। ओह्दे बाद 12 कोला 14 जनवरी तगर मौसम खुश्क रौहने दी तबक्को ऐ जिसलै 15 ते 16 जनवरी गी आम तौरा पर गासे पर बददल घनोए दे रौहगन ते किश टांची-टांची थाहरें पर हल्की बर्फबारी बी होइ सकदी ऐ। मौसम विभाग नै आखेआ ऐ जे ठंडू दा प्रकोप बरोबर जारी रौहग ते सैलानिएं ते आम यात्रिएं गी यात्रा करने कोला पैहले प्रशासन ते ट्रैफिक दिएं हिदायतें गी दिक्खी सुनी लैन।

<><><><><><>

